

- B E T T Y K A V I N I -

*Bel nouvel jòdi
Bel moman plézi*

*Lavi ka souri
Menm nan jou lapli*

*I ka vini
Mi'y ka vini*

*Ni yonn dé twa jou mwen juvènn Betty
An swaré kay zanmi
Nou palé, feeling-lan bien pasé,
Liméwo pou tab vinn kwazé...*

*Bel nouvel jòdi
Bel moman plézi*

*Lavi ka souri
Menm nan jou lapli*

*I ka vini
Mi'y ka vini*

*Jou bonè, téléfòn ka sonnen
Betty ka kriyé mwen.
Vwa-y mennen lanbéli dan tjè-mwen
Gran soley vini kléré tout nanm-mwen*

*Betty ka vini
Sa sé pawol dous kon karès
I ka sonnen kon bel pwomès, wi bel pwomès*

*Ti moman foli
Sé tousa mwen ka risanti, mi gran plézi
Mwen anvi kwè sa té ja ékri*

*Betty ka vini
É mwen ja ka santi lodéy vlopé mwen
An ti lodè vaniy pou toudi mwen*

Sa ka fè dézè madanm-lan kriyé mwen
Fo pa piès ayen vin fèy chanjé chimen
Tet-mwen ké folmanté
Si i ba'm woch pou tjenbé

Betty ka vini, lavi ka souri
Fo man ofilaplon Pou man fèy nivini
Lespri sajès enspiré mwen...

Mé si Betty pa vini, largis-mwen fini
Alè man pé pa, pé pa sav Sa man kay divini
Fo pa menm man pran tan sonjé tousa

Betty ka vini, lavi ka souri
Ki sa pou di, ki sa pou fè Pou man fèy nivini
Man paré... Annou !!!

Betty ka vini, lavi ka souri
Ho, man ké ofilaplon Pou man fèy nivini
Lespri sajès enspiré mwen...

Mé si Betty pa vini, largis-mwen fini
Betty la ou yé, Betty la ou yé Sa man kay divini
Ja ni dézè mwen ka atann ou... Ola ou yé ???

Betty ka vini, lavi ka souri
Sav sa pou di, sav sa pou fè Pou man fèy nivini
Sa ka fè tout kò-mwen sanslé, woy !!!

Way Betty...

Èti ???